



傷寒醫方歌訣卷之十八

經文

太陽上篇

太陽中風。陽浮而陰弱。陽浮者。熱自發。陰弱者。汗自出。  
嗇嗇惡寒。淅淅惡風。翕翕發熱。鼻鳴乾嘔者。桂枝湯主  
之。服已。須臾歛熱稀粥。以助藥力。溫覆時許。偏身熱熱。  
微似有汗者佳。不可令如水流漓。病必不除。若一服汗  
出。停後服。若不汗。更服。又不汗。後服小促。役其間半日。  
許。令三服盡。病證猶在者。更作服。若汗不出者。乃服至  
二三劑。禁生冷。粘滑。肉麪。五辛。酒酪。臭惡等物。

桂枝湯

方歌

桂枝湯解汗傷風。芍藥和營甘建中。發熱

頭疼浮緩脈。棗薑稀粥合成功。

中風發熱六七日不解而煩。有表裡證。渴欲飲水。水入則吐者。名曰水道。五苓散主之。

五苓散熱止煩渴。尤茯苓桂豬澤瀉末。水道通調吐逆除。太陽入府邪俱奪。

傷寒汗出而渴者。五苓散不渴者。茯苓甘草湯主之。

茯苓甘草生薑枝表裏看多看少施。加減去留皆合法。病邪兩解重輕宜。

太陽病發汗遂漏不止其人惡風小便難四肢微急難以屈伸桂枝加附子湯主之

桂枝加附湯何故錯汗傷津而致悞附子同陽須一枚筋和便利元神固

發汗後身疼痛脈沉遲者桂枝加芍藥生薑各一兩人參三兩新加湯主之

新加湯內參爲憑桂棗不添薑芍增脈變沉遲傷悞汗方兼輔正散邪能

發汗後腹脹滿者厚朴生薑甘草半夏人參湯主之

傷寒論三  
厚朴薑參甘半湯胃虛脾滯飲停方津搏腹脹畏  
寒者附子加上並復陽

發汗後臍下悸者欲作奔豚苓桂甘棗湯主之

茯苓大棗桂甘以桂伐奔豚苓攝水甘棗補脾同  
制邪甘瀾疾趨得其旨

發汗過多又手自冒心心下悸欲得按者桂甘湯主之  
桂枝甘草陰陽判心血本虛欲得按固表和中相  
結合調陽歛液宅心亂

病在陽應以汗解之反以冷水噀之若灌之其熱被劫

不得去。彌更益煩。肉上粟起。意欲飲水。反不渴者。服文  
蛤散。

文蛤散。醫膚粟起。喉間必有燥煩矣。水寒鬱

表熱被劫。解渴瀉陽利水痞。

若不差者。與五苓散。

太陽病。桂枝證。醫反下之。利遂不止。脈促者。表未解也。  
喘而汗出者。葛根黃連黃芩湯主之。

葛連苓草救傷下。蕩滌熱邪喘汗瀉。脈促葛根提  
出表。苓連寒苦不須怕。

太陽病。下之後。脈促胃滿者。桂枝去芍藥湯主之。若微  
惡寒者。去芍藥方中加附子湯主之。

桂枝去芍因胃滿脈促令平舒上腕若稍惡寒陽  
內弱速加附子不容緩

太陽病下之微喘者表未解故也桂枝加厚朴杏仁湯  
主之喘家作桂枝湯加厚朴杏仁

桂枝加朴杏仁湯微喘但須疎利方悞下未曾亦  
用此去邪散結實相常

太陽中篇

太陽病頭痛發熱身疼腰痛骨節疼痛惡風無汗

而喘者麻黃湯主之脈浮者病在表可發汗用麻黃湯  
脈浮而數者可發汗宜麻黃湯

麻黃湯主喘無汗頭痛身疼熱惡寒表脈浮兮浮  
數脈桂麻甘杏服之安

傷寒二三日心中悸而煩者小建中湯主之

建中小者少黃芪大棗桂枝甘草飴芍藥歛陰薑  
散邪補營益衛緩調脾

嘔家不可用建中湯以甜故也

太陽病不解熱結膀胱其人如狂血自下下者愈其外  
不解者尚未可攻當先外解外解已但少腹急結者乃  
可攻之宜桃仁承氣湯

桃仁承氣滌邪熱寒本傷營多蓄血甘草硝黃桂

用枝安神但解膀胱結。

太陽病六七日表證仍在脈微而沉反不結胃其人發狂者以熱在下焦少腹當硬滿小便自利者下血乃愈所以然者以太陽隨經瘀熱在裡故也抵當湯主之。

上古氣化濃密稟賦厚實可用此方近世體多薄弱只可以桃仁承氣代之耳不敢輕用故不作歌

發汗後不可更行桂枝湯汗出而喘無大熱者可與麻黃杏仁甘草石膏湯下後不可更行桂枝湯若汗出而喘無大熱者亦可與麻黃杏仁甘草石膏湯。

麻黃杏子石膏草外散內涼喘汗好悞治兩條歸

一治風寒各異細搜討

傷寒下後心煩腹滿臥起不安者梔子厚朴湯主之。

梔朴快胃只實寬正虛邪熾上中搏心煩腹滿何能臥。悞下服之立刻安。

傷寒醫下尤藥大下之身熱不去微煩者梔子乾薑湯。乾薑梔子合成湯。悞下陰陽兩受傷湧熱除煩兼益氣吐能散滯辛回陽。

傷寒六七日大下之後身熱不去心下結痛者未欲解也。梔子豉湯主之。梔豉解除心結痛只因大下邪。

傷寒論三言  
乘空湯兼汗吐散煩熱。窒塞懊憹邪盡控。

若少氣者。梔子甘草豉湯主之。若嘔者。梔子生薑豉

湯主之。

梔子生薑湯命意外邪內陷熱傷氣。去甘

因嘔用生薑散逆化痰中則治。

傷寒脈結代。心動悸。炙甘草湯主之。一名復脈湯。

炙甘復脈二名好。參麥桂枝薑大棗。生地阿膠麻

子仁。傷寒代悸此湯寶。

傷寒瘀熱在裡。身必發黃。麻黃連軀赤小豆湯主之。

麻軀小豆梓皮薑。杏棗炙甘潦水湯有濕之人感。

外邪分消濕熱豈容傷

傷寒身發黃者。梔子蘗皮湯主之。

梔子蘗皮甘草湯。身黃發熱瀉膀胱。膚間熱達解肌妙。滲濕散邪肌自涼。

傷寒七八日身黃如橘子色。小便不利。腹微滿者。茵陳蒿湯主之。茵陳蒿去黃如金。濕熱勢張下部侵三

片水蘗梔一錢。大黃不怕熱邪深。

下之後復發汗。晝日煩燥。不得眠。夜而安靜。不嘔不渴。無表證。脈沉微。身無大熱者。乾蘗附子湯主之。

乾薑附子救陽虛脈見沉微候汗餘下後豈容更發汗純陽藥味補偏歟

發汗病不解反惡寒者虛故也芍藥甘草附子湯主之芍附陰陽甘草和其人體弱汗傷過惡寒證見病虛矣返本還元立起疴

太陽下篇太陽中風脈浮緊發熱惡寒身疼痛不汗出而煩躁者大青龍湯主之

大青龍證躁煩劇發熱惡寒浮緊脈桂杏麻膏甘棗薑請君發汗起危厄

傷寒表不解。心下有水氣。乾嘔發熱而欬。或渴。或利。或噎。或小便不利。少腹滿。或喘者。小青龍湯主之。

小青龍逐胸膈邪。桂芍辛薑夏味麻。滌飲收陰散滿結。翻江倒海實堪誇。

太陽病。得之八九日。面色反有熱色者。未欲解也。以其不能得小汗出。身必癢。宜桂枝麻黃各半湯。

桂麻各半。因身癢。感受雖輕。亦曰兩。棗芍杏甘薑也。減肌膚邪鬱服之爽。

太陽病。發熱惡寒。熱多寒少。脈微弱者。此無陽也。不可

復發其汗宜桂枝二越婢一湯

桂枝二與越婢一微弱脈今戒汗失甘芍石膏麻  
棗薑津生熱化風寒出

服桂枝湯大汗出脈洪大與桂枝湯如前法若形如瘧  
日再發者汗出必解宜桂枝二麻黃一湯

桂枝二也麻黃一寒熱往來邪復襲畧用麻黃多  
用芍薑甘棗杏桂無疔

服桂枝湯或下之仍頭項強痛翕翕發熱無汗心下滿  
微痛小便不利者桂枝去枝加茯苓白朮湯主之

甘薑白朮芍薑棗熱結膀胱滲利好。悞表遺寒下損陰。滋陰去滿生津保。

發汗。若下之。病仍不解。煩躁者。茯苓四逆湯主之。

茯苓四逆附薑參急補真陽自益陰。汗下兩傷煩躁見。元神欲散速宜擒。

傷寒若吐若下後。心下逆滿。氣上衝胃。起則頭眩。脈沉緊。發汗則動經。身爲振振搖者。苓桂朮甘湯主之。

苓桂朮甘吐下窘。汗亡津液脈沉緊。身爲振振氣衝胃。固表和中合病診。

仲景云呼氣之短亦用茯苓朮甘湯以遲其陽

傷寒八九日。風濕相搏。身體煩疼。不能自轉側。不嘔不渴。脈浮虛而澁者。宜桂枝附子湯。若其人大便硬。小便自利者。去桂枝加白朮湯主之。

桂枝附子薑甘草湯。身體煩疼。風濕掃大便秘。堅小便利。去枝加朮潤枯槁。

風濕相搏。骨節煩疼。掣痛。不得屈伸。近之則痛劇。汗出短氣。小便不利。惡寒。不欲去衣。或身微腫者。甘草附子湯主之。甘附朮枝風濕用。風淫則掣濕淫痛。溫經

散濕緩和中。風濕相搏。須此控。